

# OMUKUETU

N:o 8

AUGUSTUS

1952

## EHANGANO LJAAJAPUKI.

Otse ngele tatu kala muujelele, ngashika oje ha kala muujelele, nena otu nehangano pokati ketu, nombinzi jOmuna gue, Jesus Kristus otaji tu jogo oondjo detu adihe. 1Joh.1:7.

Esiku limue kOuambo nda adele ko omulumentu gumue, ngoka nde mu indile a holoke kiilonga, ihe oje a tindi aniuu omolu omuuambo gulue a adika a taambelua mo uo miilonga tuu mbjoka. Onda mu pula: „Oshike ito ja, nando omukueni ote ja uo?” Oje okua jamukula, noka ti: „Ope na ngaa etondacano pokati ketu.”

Aalumentu mbaka nda ja umbulukua oluindji. Onda longo najo ajehe, no ndi ja shi, kokutja ajehe jaali ohaa longo nauelala. Shimue ashike: oje itaa vulu okukala moshilonga shimue oshita. Ihe ajehe jaali je li megongalo ljontumba ljokOuambo.

Taleni ano shoka sha tiua moohapu detu doteksti!

„Otu nehangano pokati ketu.”

Aalumentu mbaka je li ngiini muujelele uohapu dika? Andola oohapu dika da tsa momulumentu nguka tua popi naje, ando a jamukula nde: „Eeno, otandi ja, oshoka tu na ehanganu pokati ketu.”

Etondacano nehangano ojo iinima jiiielela. Ehanganu ndika tali popiua komujapostoli Johannes oljo eshike?

Taango oljo ekuatacano pokati kaakriste. Pokati kaakriste oku nokukala ombepo jekuatacano. Omuuambo nge ta ji koholo kUushimba, oje oku uvite uuike, ngele kaku naauambo jaalue komikunda tuu dijaka, nando mu kale mu naantu aakuilongo ojendji. Ihe omukriste ta vulu okuhangana nomukuilongo uo. Onda hokololelua omuuambo guontumba, ngoka a li e uvite uuike shili ku Kaapa, ihe a mono omukumo shokui itu komukriste gulue. Oje omunduisi, omuhongi omukualuteri. Nonena aalumentu mbaka jaali haa njolelacana. Osho ngeji aakriste taa vulu okuhangana nando ja kale jomiiguana jiili no jiili.

Patijaali ehanganu ljaakriste li nokumonika uo miilonga jomasiku agehe. Jamue ohaa monacana ouala melongelokalunga. Oje na ekuatacano poohapu da Kalunga, miilonga jomasiku agehe tashi vulika pokati kaakriste ku kale etondacano. Ihe okukala kua tja ngaa-ka oku pahapu da Kalunga nani?

Omolua shike ano ehanganu ndika lja popiua moohapu dika olja pumba nomaakriste? Nge ua hala okumona ejamukulo, oto ke li mona no moohapu dika uo. Omo mua tiua: „Otse ngele tatu ende muujelele . . .”

Aantu ojendji otaa diladila kokutja mboka taa kala momilema ojo aapagani ajeke. Ojo no taa ti uo: Omuntu ngele ta ningi omukriste, nena oje e ja muujelele. Eeno, osho tuu. Oohapu da Kalunga tadi minikile omuntu, oje ngele a kala nale omupagani, no a ningi omukriste, nena ota mono tuu muujelele uohapu da Kalunga iihuna je, ngastu e ji ningi manga ina uuva oohapu da Kalunga, no ini iuua kudo.

Ihe nando omuntu a ningi omukriste, natango tashi vulika oje a kale te ende momilema.

Okukala muujelele, okuo okushike ano?

Otashi vulika oku shi tumbula ngaaka: Omukriste ngoka te ende muujelele, ita vulu okukala e na nando okanima okashushuka ke nokuholekua ndola. Ngele e na sha shi nokuholekua, oje ite ende muujelele. Omuleshi, tala tuu, ngele ngoje u na sha ito vulu shi hokololela omusita guegongalo ljaandjeni andola.

Taleni ko tuu, Ombepo ja Kalunga shoka, oja longo momagongalo gomOuambo numvo. Oohapu da Kalunga odo da minikile aantu jamue no ja mono oondjo dauo. Ojo ja li je nokucikama je ke di hempulule. Ombepo ja Kalunga je ja ulukile, nkene oondjo dauo odo oonjita, ojo no nkene taa pumbua okujogua kudo nombinzi ja Jesus. Ojo no je di eta muujelele. Jamue ja li je nokufalela aashiinda jauo ombili omolu oontamanana da kala po. Jamue ja li je nokuhempulula omadipago, nomaluhondelo, nuufuci, niuhuna jiihue. Gumue oku nokuindila ombili komuhongi shokua adika okui ikucile iinima jetumo. Gumue e nokuhempulula nkene okua landica po iilja iikulu ja tukua, nando e ji fuica ongashi iipe.

Ojo ja ningi shike ano, uujelele uohapu da Kalunga sho ue ja minikile, no ja mono iilonga jauo muujelele uOmbepo Ondjapuki? Ojo oja hokolola omajonagulo gauo. Iilonga jomilema je ji etele muujelele. Diladilani ojo ja li aakuanegongalo!

Ongoje omuleshi, pamue ongoje gumue guauo. Oto dimbulukua tuu, shoka ue shi ningilua? Momuenjo guoje mua zi omutenge omudigu, no mue ja enjanju. Ku na sha ue shoka shi nokuholekua. Iinima joje ajihe je ja muujelele. Na ngoje pamue u nvite uo ehanganu ljopokati kaakriste.

Aakriste ja tja ngaaka ojo ju uvite, oja jono, no je noondjo, nehangano ljopokati kauo oljo ehanganu ljopokati kaanandjo, ihe je na ehanganu molua shoka uo, oondjo dauo sho de etelua muujelele. Oje na ehanganu ljaanandjo ja silua ohenda.

Omolua shike ngaaka? Omolua shoka, otse ngele tatu kala muujelele, nena otu nehangano pokati ketu, nombinzi jOmuna gue, Jesus Kristus otaji tu jogo oondjo detu adihe.

Ongoje nguka ua hempulula esiku limue oondjo doje adihe, ou na tuu natango elaago ndika? Nenge ino mona pamue ombili nenjanju molua shoka ua li ua cigi po sha? Ajihe ino ji etela muujelele? Nenge pamue omilema de ku galukile isheue? Ino dimbua shika, ongoje ngele to ja muujelele, oto mono ko ehanganu ndjoka li li pokati kaana ja Kalunga. Ino dimbua ondjila ndjoka taji fala kejogo ljomombinzi ja Kristus.

T. S.

## EHEKELEKO METOPOKO.

Aantu jOmuaa kaa na mpoka

Taa ka topokelela.

Mokuja, kouino ndjoka

Muenjo tagu fudicua.

Ngele tuua nemonacano

Omoondjenda devi ndi,

Tatu kala kuumue ano

Op'Omuaa Omukulili.

Ngele tu uvite uucigua,

Ue etua oketopoko,

Shili tatu njanjukilua

Okumonacana nko.

Mokutopoka tuu moka

Luimbo talu fudica:

Aantu jOmuaa kaa na mpoka

Taa ka topokelela.

H. L. & V. 143.

V. A.

## ELALEKO LJOMUSAMANE V. ALHO.

### „ECIMBO LJOOPALA ONGASHINGEJI.”

Omacimbo gongashingeji miilongo ojendji juujuni ogo omiinaji nomadigu shili. Aantu oomiljoni oje li muupika uudigu, nojendji otaa hepele no taa sile moondolongo. Ihe mevi ljaauambo omu necimbo ljoopala ongashingeji.

Aauambo, ando mu dimbulule shili uuanaua mbuka mue u peua ku Kalunga, sho mu na oohapu de du uudilila, sho mu nevangeli tali mu tsejicile Jesus Omukulili. One omu na ooskola odindji popepi tuu iihuepo. Muka m'Uushimba ojendji oja kala kokule nomalongo. One mu na omanongelo, moka tamu putudua aagundjuka ja hume komeho: omiilonga jiiikaha, mehungo ljaavu, melongo ljaanongeki, oljaevangeliste no ljaasitagongalo. Mpoka one aauambo omu na shili uujamba ouindji, ojendji kaje u na.

Aano aanona aauambo, one mu necimbo ljoopala ngashingeji okudiginina mu longue mooskola. Aagundjuka, nane uo omu necimbo ljoopala ngashingeji, manga oomuenjo deni di li po oonenguni no inaadi kukuta. Longueni naua, ne aamati uo, manga mu na ecimbo ljoopala. Oluindji itamu li mono ue komeho; itamu mono ue naua ompito okulungua. Omuaa Jesus oku hoole uunene aagundjuka nokua hala, na ngoje uo u ninge omulongua nomulongeli gue. Ino tja: onda hala ndi lje manga uugundjuka, manga ndi nomajego. „Diladila Omushiti guoje muugundjuka uoje, manga omasiku omiinaji inaage ja” (Omuuuvici 12: 1).

Nomuuambo omunjasa, na ngoje u necimbo ljoopala manga u itaale Omuaa Jesus, Omukulili guoje, manga mevi ljaandjeni omu nombili, no inamu indikua okuipalua noohapu domuenjo nokuhempulula Omukulili. „Itaala Omuaa Jesus e to hupicua, ongoje muene negumbo ljoje alihe.”

One aajakuli amuhe, aauambo naasuomi, omoshilonga shoshilongo sha Kalunga, italeni, one aanelago shili, sho mua peua oshilonga ku Kristus. Nane uo omu necimbo ljoopala ngashingeji. Ka-



2 Pet. 3: 9. Eongalo esi la pita mo, ola fuda po okafimbo kani, opo ovantu va suna mo vali okupuilikina esi ompango ja Kalunga ja longa meemuenjo dovanjasa, oukadona 14 vo mOnguediva nookaume kavu vavali, omungenga nomuhalusu, ava va hepaulula omatimba avo kosipala seongalo nove tu hepaululila neenkonke nke Ompepo ja Kalunga ja longa muvo momafiku enja va kala mEngela. Umue okua lesa eendjovo edi: Rom. 3: 10-17, nota diinine unene kutja okua efa po aise jounjuni. Ookaume kaje ava kua li hava ende naje eendjila dii domilaulu e va lekela kutja: „Ame nda ja. Eendjila deni hado vali dange. Ame ondi na kaume kange umue aeke: Jesus.”

Umue okua lesa edi: Joh. 1: 14-17, ndele e tu sivifila nke oujelele uOmuene ua jela momutima uaje, ndele paife e li po ta tange Jesus Kristus uaje. Nomukuao a lesa Ehol. 22: 12. (Ehol. 22: 7; Ehol. 16: 15; Mat. 24: 42.)

Oso ovanjasa ava va lombuela eongalo no va pendula eemuenjo da vahapu. Tu kongeni hano Jehova fimbo ta monika fie tu mu ifane fimbo e li popepi.

## ONZAPPO.

Omukuetu omuhoolike, otua manguluka shili omolua Jesus Kristus ngoka e tu sile ku Golgata. Ongele tatu hempululu oondjo detu otu nedimo ljomajonagulo oketiko ljombinzi je ondjapuki. Oondjo dandje oda dimua po, no ndi na shili emanguluko omolu ombinzi je.

Omukuetu, tameka shili okuihata pohi poompadi da Jesus Kristus u hempulule oondjo doje shili u mone emanguluko uo. Otse aantu tatu tala okulempulula oondjo detu, oshoka omuntu oku na ohoni, ta tala okujolua nokushekua nge te di hempulula. Ihe omukuetu, oondjo nge tadi kala da siikilua, itadi dimua po nando. Ota-ku tiua, shoka sha njatekua kuulunde itashi ji mo moshilongo sha Kalunga nande. Oonljo detu odo tuu tadi ningi ongamba pokati ketu na Kalunga. Ombepo Ondjapuki na guanice oshilonga she mutse.

G. Shapopi Uuconi.

## OMUPAPUDUKI.

Ngoje ua hempulula oondjo doje no ua mono enjanju ljemanguluko, kotoka, oshoka omutondi opo e li natango no te ku kundukida. Ino tameka okuinekela eitedululo ljoje, ihe inekela Jesus. Ino tameka okutala oonkondo domutondi no domahongololo, uaa kanice omukumo gaoje. Inekela Jesus. Taalela Jesus. Ino tameka okukondja moonkondo doje. Tala Jesus nkene a kondjo no a sindi. Ngoje ito vulu sha, ihe Jesus ota vulu ashiehe. Oje ngashi a tameke oshilonga she, osho ta vulu oku shi cikica uo.

Hambelela Jesus, mu hambelela omolu ehupico ljaaluhe, mu hambelela omolu oonkondo ombinzi je taji mangulula onunandjo, mu hambelela omolu ohoole je, shokui ikucile egeelo ljoje, mu hambelela omolu oonkondo de tadi vulu okujapula omulunde noku mu cikica muujapuki ua Kalunga. Mu hambelela muuike uoje, mu hambelela mokati kegongalo.

Ongele mua gongala jaali no jatatu, inamu popjagana oohapu kadi noshilonga, hambeleleni Jesus, nesilohenda lje.

## EINDILO.

„Ondi na uunkundi omolua shoka nda li ndi icanua kOmuua ndi ninge omulongua gue, ndele inandi shi diginina. Onda faduka po. Omuaa ota ti: „Kondja ekondjo euanau ljeitaalo.” Tandi kondjo unake? Omuaa, galula okanzi koje.”

Omuaa guetu oje omunamutimahenda. Ino faduka po ue, ihe igandja kuje ngashingeji. Oje natango ta dimi po oondjo doje, nge to di hempulula. Oje ote ku taamba omolu eso nejumuko ljOmukulili, ngele to igandja kuje nomuenjo gua shili. Ngoje ino guana okutaambua, ihe ngashi ohe ta silohenda ojaana, osho Kalunga ta silohenda mboka taje mu tala. Tala tuu omumati a kana, nkene a taambua kuhe, nando ina guana okutaambua. Lesha Lukas 15 ontopolua ajihe.

Jason Shoome, Swakopmund, te tu tumine eindilo tali ti: „Onda hala mu tu galikanene otse aauambo jomehalakano mUushimba. Otu li po tua holama no tua vuka, tua dimbua Kalunga iha hulu po ngashi uujuni tau hulu po.”

## ONKUGO.

Aamuatate mu Jesus Kristus, indilileni nge, osheshi nda jona. Ondi na okana komuenjo uange haka lukile eshi inashi koshoka. Indilile nge, efimbo nefimbo. Kalunga kaalushe, mu indilileni alushe nalushe.

## OMAPULO.

Omolua shike uujuni tau pangulua, nando ua kulilua? Ekulilo oljo tuu li nokueta epangulo. Epangulo oljo ndika: uujelele ue ja muujuni, naantu ja li je hoole omilema komeho gujelele. Kalunga ina tuma Omuaana muujuni a pangule muujuni, ihe uujuni u hupicue kuje. Uujuni ui ipangula uo uene, sho inau taamba ehupico ue li etelua ku Jesus. Kotoka uaa monike u li mongundu jaamboka ji ipangula ngaaka. Lesha Joh. 3:17-19.

Omolua shike Jesus te ja okupangula aanamuenjo naasi? Heb. 10: 26 - 31.

Ejamukulo oli li moohapu doka ue di didilike. Jesus okua peua epangelo alihe kombanda jevi no megulu a pangule mboka taa lja-ta ombinzi je no taa dini ehupico li cike mpoka e li etele aantu omagano.

Gumue a limbilua, sho kua tiua oku na tuu oheli, ihe itatu kala mo aluhe.

Lesha tuu Markus 9: 43-48 moka mua tiua lutatu nokuli, moheli ezinjo ljauo ihali si, nomulilo itagu dimi mo. Oohapu dika oda Jesus muene.

## UUNA MEME A LIKA KONJUSHI.

Esiku limue omusita okua pula omugundjuka, ngele oku shi shi, uuna a tsakaneeke Omukulili, noondjo de ngele oda dimua po. Omumati okua jamukula a ti: „Eeno, ondi shi shi kutja oda dimua po adihedihe shili.” Omusita okua ti: „Oue shi dimbulula tango unake?” „Uuna meme a lika konjushi.” „Uuna njoko a lika konjushi okutja ngiini?”

„Tatekulu, onda li ndi na meme ngoka a hokololele ndje muhanona uandje, Jesus nkene a longele ndje, ihe kanda li ndi uvite nande kutja okua si peha ljangje, sigo esiku limue komatango pocinge onda li te dana pontu jaandjetu. Meme ta kangula pelugo. Ohaluka onjushi je ja taji duma taji dingoloka nomutse guandje. Oja li ja hala okulja ndje. Onda haluka nonda kambadala oku ji fungafunga nokanasituke kandje, ndele otaji umauma nomutse guandje. Onda ji ontuku megumbo, te matuka, ndu ukilila ku meme, te jejagana. Meme a siikile ndje noshitetahema she, ta menje mo a fa a hala okulombuela ndje kutja iiponga kaji po, ua hupu. Omooko ga meme sho ga li ga kuatela oshitetahema ku ngaje, onjushi oje ja, taji pipima ku meme e taji mu datula pokooko, ndele taji cigi mo ongona jajo, meme ta vulu oku ji tona mo. Meme hanga a punduka, ndele okua ti ouala: „Za mo nduno ja ja. Onjushi ja lja njoko peha ljoje. Ila u tale sho taji dadala pokooko kua njoko. Itaji ku li ue, oshoka oji nongona jimue ajike.” Onda li nda tala, ngaje ndu uvitile meme ohenda, sho nda tala ongona, ihe meme okua fatululile ndje naua oshilongua shoka. A kala ta nongeke ndje elaka ele, nkene Jesus okua si peha ljangje. Oohapu doka onde di ilongo nonda kala handi di hokolola momutse: „Otua aludua kiilalo je.” Ihe nale manga meme ina lika konjushi, kanda li ndu uvite ko nando, Jesus sho a si peha ljangje e ta geelua peha ljetu. Esiku ndjoka itii li dimbua nandokuli. Ajihe ja jela, ja fatuka. Onda tseja uo shoka meme a longo ndje elaka ele li cike mpoka, Kalunga ita geele ndje ue, oshoka okua geele Jesus peha ljangje. Eeno tatekulu, uuna meme a lika konjushi, okuza kesiku ndjoka, onda njanjukilua meitaalo nomeinekelo Kristus a sile ku Golgata peha ljangje.”

Ngoje oua tsakaneeke Jesus uunake? Oto vulu tuu okutumbula esiku ndjoka?

Elundululo. J. Amakutuaa.

## EHOLAMENO OM'OMUUA LI LI.

Eti 27 lja April 1952 ongame manga tandi ji komambo, onda uvu oshihomo oshinene ngombepo joshikungulu. Ongame no nda haluka, nda li nda tala. Nani onguti ja tidua kekodi. Onguti oja ka holama megumbo, ja guile pokakololo popepi na meme guandje a kuutumba poshinjanga. O, eno shili. osho ngeji onguti ja hupu shili.

Omukriste omukuetu, otse otu na ekodi enene satana, aluhe ohe tu kundukida, 2 Petr. 5:8. Omukriste omukuetu, emanja ljeholameno oJesus; omo amuke tatu mono egameno lja pua. Omukriste ngoje ino inekela oonkondo doje muene, aue. Ngele to mono uudigu nomahindo ga satana, endelega u je kOmukulili, opo ashike to mono ehupico.

Omukulilua, kotokela efundja ljomotondadi, ngashi pa njolua Mat. 7: 20-23.

## OMUKUETU

Aakuetu ne aahoolike mu Jesus Kristus, ileni kemanja ljevululuko. Tse tua loloka, inatu tegeleleni sigo ecimbo lja pua po. Ihe ongame onda kumua shili, oshilongo shaauambo konjala ajehe aakriste, ihe otseni akavango, evangeli lje tu tegelela. Ileni mu tale ne aatali, ileni mu konge ne aakongi.

Omuaa ino geela ndje, ua sondjahi.

V. Lievela.



2 Pet. 3: 9. Eongalo esi la pita mo, ola fuda po okafimbo kani, opo ovantu va suna mo vali okupuilikina esi ompango ja Kalunga ja longa meemuenjo dovanjasa, oukadona 14 vo mOnguediva nookaume kavo vavali, omungenga nomuhalusu, ava va hepaulula omatimba avo kosipala seongalo nove tu hepaululila neenkon nke Ompepo ja Kalunga ja longa muvo momafiku enja va kala mEngela. Umue okua lesa eendjovo edi: Rom. 3: 10-17, nota diinine unene kutja okua efa po aise jounjuni. Ookaume kaje ava kua li hava ende naje eendjila dii domilaulu e va lekela kutja: „Ame nda ja. Eendjila deni hado vali dange. Ame ondi na kaume kange umue aeke: Jesus.”

Umue okua lesa edi: Joh. 1: 14-17, ndele e tu sivifila nke oujelele uOmuene ua jela momutima uaje, ndele paife e li po ta tange Jesus Kristus uaje. Nomukuao a lesa Ehol. 22: 12. (Ehol. 22: 7; Ehol. 16: 15; Mat. 24: 42.)

Oso ovanjasa ava va lombuela eongalo no va pendula eemuenjo da vahapu. Tu kongeni hano Jehova fimbo ta monika fie tu mu ifane fimbo e li popepi.

## ONZAPPO.

Omukuetu omuhoolike, otua manguluka shili omolua Jesus Kristus ngoka e tu sile ku Golgata. Ongele tatu hempululu oondjo detu otu nedimo ljomajonagulo oketiko ljombinzi je ondjapuki. Oondjo dandje oda dimua po, no ndi na shili emanguluko omolu ombinzi je.

Omukuetu, tameka shili okuihata pahi poompadi da Jesus Kristus u hempulule oondjo doje shili u mone emanguluko uo. Otse aantu tatu tila okuhempulula oondjo detu, oshoka omuntu oku na ohoni, ta tila okujolua nokushekua nge te di hempulula. Ihe omukuetu, oondjo nge tadi kala da siikilua, itadi dimua po nando. Otaku tiua, shoka sha natekua kuulunde itashi ji mo moshilongo sha Kalunga nande. Oonljo detu odo tuu tadi ningi ongamba pokati ketu na Kalunga. Ombepo Ondjapuki na guanice oshilonga she mutse.

G. Shapopi Uuoni.

## OMUPAPUDUKI.

Ngoje ua hempulula oondjo doje no ua mono enjanju ljemanguluko, kotoka, oshoka omutondi opo e li natango no te ku kundukida. Ino tameka okuinekela eitedululo ljoje, ihe inekela Jesus. Ino tameka okutala oonkondo domutondi no domahongololo, uaa kanice omukumo gjoje. Inekela Jesus. Taalela Jesus. Ino tameka okukondja moonkondo doje. Tala Jesus nkene a kondjo no a sindi. Ngoje ito vulu sha, ihe Jesus ota vulu ashihe. Oje ngashi a tameke oshilonga she, osho ta vulu oku shi cikica uo.

Hambelela Jesus, mu hambelela omolu ehupico ljaaluhe, mu hambelela omolu oonkondo dovanjasa je taji mangulula onunandjo, mu hambelela omolu ohoole je, shokui ikucile egeelo ljoje, mu hambelela omolu oonkondo de tadi vulu okujapula omulunde noku mu cikica muujapuki ua Kalunga. Mu hambelela muuike uoje, mu hambelela mokati kegongalo.

Ongele mua gongala jaali no jatatu, inamu popjagana oohapu kadi noshilonga, hambeleleni Jesus, nesilohenda lje.

## EINDILO.

„On di na uunkundi omolua shoka nda li ndi icanua kOmuaa ndi ninge omulongua gue, ndele inandi shi diginina. Onda faduka po. Omuaa ota ti: „Kondja ekondjo euanaua ljeitaalo.” Tandi kondjo unake? Omuaa, galula okanzi koje.”

Omuaa guetu oje omunamutimahenda. Ino faduka po ue, ihe igandja kuje ngashingeji. Oje natango ta dimi po oondjo doje, nge to di hempulula. Oje ote ku taamba omolu eso nejumuko ljOmukulili, ngele to igandja kuje nomuenjo gua shili. Ngoje ino guana okutaambua, ihe ngashi ohe ta silohenda ojaana, osho Kalunga ta silohenda mboka taje mu tila. Tala tuu omumati a kana, nkene a taambua kuhe, nando ina guana okutaambua. Lesha Lukas 15 ontopolua ajihe.

Jason Shoome, Swakopmund, te tu tumine eindilo tali ti: „Onda hala mu tu galikanene otse aauambo jomehalakano mUushimba. Otu li po tua holama no tua vuka, tua dimbua Kalunga iha hulu po ngashi uujuni tau hulu po.”

## ONKUGO.

Aamuatate mu Jesus Kristus, indilileni nge, osheshi nda jona. On di na okana komuenjo uange haka lukile eshi inashi koshoka. Indilile nge, efimbo nefimbo. Kalunga kaalushe, mu indileni alushe nalushe.

## OMAPULO.

Omolua shike uujuni tau pangulua, nando ua kulilua?

Ekulilo oljo tuu li nokueta epangulo. Epangulo oljo ndika: uujelele ue ja muujuni, naantu ja li je hoole omilema komemo guujelele. Kalunga ina tuma Omuaana muujuni a pangule muujuni, ihe uujuni u hupicue kuje. Uujuni ui ipangula uo uene, sho inau taamba ehupico ue li etelua ku Jesus. Kotoka uaa monike u li mongundu jaamboka ji ipangula ngaaka. Lesha Joh. 3:17-19.

Omolua shike Jesus te ja okupangula aanamuenjo naasi?

Heb. 10: 26 - 31.

Ejamukulo oli li moohapu doka ue di didilike. Jesus okua peua epangulo alihe kombanda jevi no megulu a pangule mboka taa lja-ta ombinzi je no taa dini ehupico li cike mpoka e li etele aantu omagano.

Gumue a limbililua, sho kua tiua oku na tuu oheli, ihe itatu kala mo aluhe.

Lesha tuu Markus 9: 43-48 moka mua tiua lutatu nokuli, moheli ezinjjo ljauo ihali si, nomulilo itagu dimi mo. Oohapu dika oda Jesus muene.

## UUNA MEME A LIKA KONJUSHI.

Esiku limue omusita okua pula omugundjuka, ngele oku shi shi, uuna a tsakaneeke Omukulili, noondjo de ngele oda dimua po. Omumati okua jamukula a ti: „Eeno, on di shi shi kutja oda dimua po adihedihe shili.” Omusita okua ti: „Oue shi dimbulula tango unake?” „Uuna meme a lika konjushi.” „Uuna njoko a lika konjushi okutja ngiini?”

„Tatekulu, onda li ndi na meme ngoka a hokololele ndje muuhanona uandje, Jesus nkene a longele ndje, ihe kanda li ndi uvite nande kutja okua si peha ljangje, sigo esiku limue komatango pocinge onda li te dana pontu jaandjetu. Meme ta kangula pelugo. Ohaluka onjushi je ja taji duma taji dingoloka nomutse guandje. Oja li ja hala okulja ndje. Onda haluka nonda kambadala oku ji fungafunga nokanasituke kandje, ndele otaji umauma nomutse guandje. Onda ji ontuku megumbo, te matuka, ndu ukilila ku meme, te jejagana. Meme a siikile ndje noshitetahema she, ta menje mo a fa a hala okulombuela ndje kutja iiponga kaji po, ua hupu. Omooko ga meme sho ga li ga kuatela oshitetahema ku ngaje, onjushi oje ja, taji pipima ku meme e taji mu datula pokooko, ndele taji cigi mo ongona jajo, meme ta vulu oku ji tona mo. Meme hanga a punduka, ndele okua ti ouala: „Za mo nduno ja ja. Onjushi ja lja njoko peha ljoje. Ila u tale sho taji dadala pokooko kua njoko. Itaji ku li ue, oshoka oji nongona jimue ajike.” Onda li nda tila, ngaje ndu uvitile meme ohenda, sho nda tala ongona, ihe meme okua fatululile ndje naua oshilongua shoka. A kala ta nongeke ndje elaka ele, nkene Jesus okua si peha ljangje. Oohapu doka onde di ilongo nonda kala handi di hokolola momutse: „Otua aludua kiilalo je.” Ihe nale manga meme ina lika konjushi, kanda li ndu uvite ko nando, Jesus sho a si peha ljangje e ta geelua peha ljetu. Esiku ndjoka itii li dimbua nandokuli. Ajihe ja jela, ja fatuka. Onda tseja uo shoka meme a longo ndje elaka ele li cike mpoka, Kalunga ita geele ndje ue, oshoka okua geele Jesus peha ljangje. Eeno ratekulu, uuna meme a lika konjushi, okuza kesiku ndjoka, onda njanjukilua meitaalo nomeinekelo Kristus a sile ku Golgata peha ljangje.”

Ngoje oua tsakaneeke Jesus uunake? Oto vulu tuu okutumbula esiku ndjoka?

Elundululo. J. Amakutuua.

## EHOLAMENO OM'OMUUA LI LI.

Eti 27 lja April 1952 ongame manga tandi ji komambo, onda uvu oshihomo oshinene ngombepo joshikungulu. Ongame no nda haluka, nda li nda tila. Nani onguti ja tidua kekodi. Onguti oja ka holama megumbo, ja guile pokakololo popepi na meme guandje a kuutumba poshinjanga. O, eno shili, osho ngeji onguti ja hupu shili.

Omukriste omukuetu, otse otu na ekodi enene satana, aluhe ohe tu kundukida, 2 Petr. 5:8. Omukriste omukuetu, emanja ljeholameno oJesus; omo amuke tatu mono egameno lja pua. Omukriste ngoje ino inekela oonkondo doje muene, aue. Ngele to mono uudigu nomahindo ga satana, endeleda u je kOmukulili, opo ashike to mono ehupico.

Omukulilua, kotokela efundja ljomotondadi, ngashi pa njolua Mat. 7: 20-23.

## OMUKUETU

Aakuetu ne aahoolike mu Jesus Kristus, ileni kemanja ljevululuko. Tse tua loloka, inatu tegeleleni sigo ecimbo lja pua po. Ihe ongame onda kumua shili, oshilongo shaauambo konjala ajehe aakriste, ihe otseni akavango, evangeli lje tu tegelela. Ileni mu tale ne aatali, ileni mu konge ne aakongi.

Omuaa ino geela ndje, ua sondjahi.

V. Lievela.



## HANGA NDA FJA.

Shimba to ti: „Hanga ua fja ngahelipi?“ Onda ninga omafiku male ndi li moshihakulilo, nokua li ndi udite oujehame molu oshiponga shontumba. Kalunga nokua tumine nge ekuafu laje. Paife ondi li naua, nohai hambelele Kalunga, eshi a velula ige.

Omukriste omukuetu, ou na tuu oivadi joulunde? Ua velulua ku Jesus ile ou na oipute joulunde natango? Ngeno kua li tu na oivadi joulunde, ngeno hatu tila okuja mo moulunde, osheshi omuntu ngenge a lika konkoshi, oha tila okuja ko.

Omukriste omukuetu, ofje nave tu tile shili okuja koulunde, osheshi ouo tau tu mane po unene.

Asser Pinehas.

## U NECIMBO OKUSA.

Omuhalici guontumba okua li e na othora onene. Oje a likola ojindji mostora je. Iimaliua ja guana oku mu pa iipalua niinima ajihe e ji pumbua, nosho tuu egumbo lje alihe. Ihe omusamane oje muene kua fa ina mona eliko lje lja guana, aue, oje e niue koluiho olunene. Opo a indjipallice eliko lje, oje a tameke okulonga no mosondaha uo. Okua ji mu ofisi je ongula josondaha kehe naamati je, no ja longo mo sigo taa shuna okulja komuiha. Komatango a ji mituci juujuni nokunjanjukua nojaakuauo. Momandaha a meneka isheue okuja kiilonga.

Esiku limue omukulukadi gue okue mu pula: „Omukuetu, u uuvu ko tuu omusamane nima a man'ondjenda?“ — Omusamane a ti: „Aue, nani — a man'ondjenda —. Eeno, a koka nokuli. Ihe ombinga jandje, ongame, kandi necimbo manga okusa, nenge oku ku diladila ando.“

Omusamane a cikama a je mostora je miilonga. Ihe nkee tuu a ciki posheelo, okua gujile pevi, nokua monika a sa. Omutima gue gua vuulua gua hulica iilonga jaguo.

„Tonateni, oshoka inaamu tseja esiku necimbo.“  
(Elundululo.)

## OMAMBO.

Opo ge li kOniipa  
Etestamenti Epe Otali pula 3 s. -  
Eimbilo ljehangano „ „ 5 s. -  
Okatekisa oshindonga, noshikuanjama - 6d.  
Omahokololo gomOmbibeli 1 s. 3d.  
Omutima uomuntu - 9d.  
Omalandulacano gelongelokalunga 1 s. 6d.  
Afrika juuningininomutenja 4 s. -  
(Embo ljaakuaniilua)

Mboka mua hala mu ga tuminue kUushimba, omu nokuguedela po iimaliva joposa.

## OOMBRIVE.

E. S. Tujoleni Orangemund te tu kundu no ta ti: Tu kondeni tu ka kongeni ounjasha uopakriste, tu shundule uopajuni, opo tu kale ovanjasha shili, no tu kale ovamati va Jesus.

Titus Ndadindandjo Omaruru ota hokolola: Onda li omuposi nde he na konasha na Kalunga, ihe nena nda mono ehupico. Tu kondjeni ngashi Kalunga a hala tu mu konge, tu mone ehupico.

Gabriel Andreas Gobabis a mono nkene omukadona omutiligane a ljatua keshina ljokolutenda nokua si. Omuaa Jesus ota ti: Tonateni ano, oshoka ne inamu tseja esiku necimbo.

Johanes Manasse Swakopmund oku nekundo: Tu galukileni pu Kalunga ketu, oshoka mbika jomuujuni otaji hulu po.

T. S. Nalupe Springbok a kolua a tameke okuhinga ololi ji nomagulu 12, te ji hingile kekuma ljongulu jaajenda. Ongulu ja kumuka nomujenda a adika mo a si, nolutu lue alube lua njanjuka lua fontsi joulala. Ihe ajihe mbjoka omolu iikunua. Ito mono sho to longo, nomomulilo nomomeja u na ngaa okuja mo oshoka oombepo domutondi tadi ku puidula.

Benjamin Adolf Orangemund te tu halele tu kale tua kola muukriste.

Paulus Hamukuaja Windhoek oku nekundo lja zile mokana kOmukulili, oje sho ta ti: Tala ongame tandi ja mbala, nondjambi jandje ndi ji na oku ji pa kehe tuu shi cike piilonga je.

Elieser Shikage Windhoek a dimbulula uusama uaakriste sho haa tida mo momagumbo gauo aajendanandjila, nando aapagani taje ja edilile mo. Osho tuu shili omujapostoli te tu pukulula tu jakule aajenda, oshoka jamue ja mono ngeji aajengeli nokuli.

Johannes Sakaria Tsumeb ote tu dimbuluca, kokutja Kristus iha tala oshipala ihe ota koneke sigo iitjanacigo.

Festus Ekandjo Tsumeb oku nekundo tali ti: Omukriste omunelago ongoka ta diginine okukondjica iita jomutondadi.

Titus Aron Tsumeb ote tu lombuele tu ende omeho ga taalela omutameki nomuguanici gueitaalo, tuaa loloke, noomuenjo detu daa suunje.

Johannes Shilongo Tsumeb ekundo lje eimbilo 35 mEhangano: „Edina ljoj'Omukulili, oJesus lja nondjele. Olja ti ngoj' Omuhupici nohenda to tu lele.“

Andreas Muleka Tsumeb ekundo lje eimbilo 484 mEhangano: „Ovakuetu tu kondjeni fimbo tu li mounjuni.“

Apollo Job Kimberley ota ti: Sotete handi lilile unene ovamati ovakuetu ve li po sili momulaulu munene, no ve he ueteko oko tava di, na oku tava i, moluasi omulaulu ue va tuvikila. Osiponga sotete osesi oikolifa, oje shili omuigo ua satana uotete. Onke fimbo to lesa apa, tameka okuindila oso nga esi, indila ngasi Elia, indila u he na ehulilo.

Leo Nuugulu oku uvite uudigu omoluokuitangela kuaa mbika jopevi.

Josef Erastus Windhoek oku nekundo: Kehe ngoka ti itedulula sili no ti itrale Jesus, ota mono edimo ljoondjo, no kee na mpo ta geelua, nando kee nombipila jomupavi.

Abba J. Kamonde oku nekundo: Omafimbo a pua po, tu endeeleni tu ka holamene ku Jesus Kristus.

Samuel Paulus Johannesburg ota ti: Dimbulukua naua, oua kulilua nohonde ijapuki, ino kulilua noinima jounjuni.

Simon Otto Swakopmund oku nekundo: Tala, oje te ja, te ende miikogo, nomeho gaajehe tage mu mono, no ga mboka je mu uulula; nomazimo agehe gokombanda jevi otaga lilagana, sho taje mu mono.

W. A. Tuhafeni Tsumeb te tu kundu ta ti: Ofje nave tu konge Omuene manga tu li mounjasa. Osesi efimbo tali uja je ita monika vali.

Levi Josef Engela oku noluhodi linene omolu ovamati esi va hala oku mona ounjenge ueeskola, va hokua kOushimba. Natu ilikaneni oshiuana shetu shOuambo shi hume komesho.

J. Nuaju Tsumeb ota hokolola omulumentu, eongalo lavo osiveva paife, nande a kala nale meongalo lomEngela. Paife ota ti, a tumua ku Kalunga a tje eongalo li na oshipangelo olo kali shi la Kalunga, oje omuveluli vati.

Simeon Levi Outjo ota dimbuluca uuanaua uomuujuni otatu shituka uululu, eso nokuli, onke ano tu kondjeni tu ka cikeni ku Tate megulu.

Johannes Nuaju Tsumeb oku nekundo: Omukuetu, endelega kOmuene u mangulule meljenge ljeso.

Tr. Gerhard Windhoek te tu dimbuluca tu kale nokuinekela Kalunga meitaalo lja shili.

S. K. Marienthal oku noshimpuju omolu omahengacano gaagundjuka tage eta omafuticacano noombudi pokati kauo no komazimo. Oje a diladila, ando omukadona ta longo manga moshikokola shomumati, na nena nge pua holoka ehengacano, omumati kaa pule ue iinima je komukadona.

Sebulon Joel Orangemouth ota njola: Ondi noluhodi moluoulunde uange nomoluounjasa uovakuetu. Ovakuetu, tu dimbulukuenu momailikano, opo tu ka peue oshipuea ku Kalunga Tate. Osesi Kalunga oje ehupifo letu.

Wilhelm M. Orangemouth oku nelaka: Omukriste, ou ua kofa, penduka! Ompepo jOmuene tai tu ifana ja hala oku tu hupifa. Natu indileni tua jandja eemuenjo detu ku Kalunga, Omuhupifi uetu.

David Hauuanga Orangemouth, ota ti: Mounjuni inatu eta mo sha, onke itatu di mo na sha, tu kondjeleni oshishani shaalushe meulu.

Josef Henok Orangemouth oku nelaka: Natu longeleni Kalunga ouua uae ause, tu fute ohonde jOmukulili, ohatu i pulua.

M. Gottfried Tsumeb okua dimbulula, aagundjuka otaa landula iimaliva, ja fa iimuna haji landula omeja. Ihe oku ji konga noonkondo domuntu itashi kuaca sha. Omujamba a fa ongala jongula taji ganja mbala. Ngoka ti indile ku Kalunga, ota peua a kale a guana a pua, noje ota zalekua oshishani shomuenjo.

Wilpat Aluteni Keetmanshoop oku nekundo: Oshimpuju sheni ashihe shi umbileni kombanda je, oshoka oje ote mu sile oshimpuju.

Tobias Nuujoma Luderitsbucht ota ti: Uunje uoje mueneka, tota, endelega, kuatelela Omuaa, oje ongudi itaji tenguka sigo aluhe.

Erastus Shikongeni Walvisbay a mono omumati nkene a si neso ljombadilila, no te tu lombuele tu galikaneni uusiku nomutenja, Kalunga e tu gamene keso ljombadilila.

Imbua Hango Walvisbay ota ti: Tu tzeni oongolo pevi tu jeluleni omaako pombanda. Omuaa guopombanda ta kuaca.

Friedrich David Endola oku nelaka: Ofje ovanjasa mu kese eongalo, ofje ovakuaita, endeeleni hano tu sakeneke oita tu djaleni omahomato tu je koluodi lokudenga eempepo dounjuni noilonga jomulaulu, fje tu ka sakeneke Jesus tua jela meemuenjo.

Hosea Leonard oku noshisho omolu ovanjasa ihava i mongerki pefimbo lomambo moluashi oshisho sheendjovo da Kalunga osha fja. Ohave li shilile ehandu la Kalunga.

P. P. Haihambó Luderitsbucht oku nelaka: Ohoole ja Tate Kalunga oinene kai si kujelekua na sa. Okua tuma Omuaa mounjuni, opo kese ou te mu itavele a ha kane.

Frans A. Luderitsbucht a mono nkene omumati a si neso ljombadilila lja halukica oomuenjo daantu. Tu ilongekideni shili okutsakaneka Omuaa.

G. A. Hangula ota ti: Omuene Jesus oku li poshivelo, fikama u mu jeulule manga ine ku koja po.

Amon Josafat Luderitsbucht ota njola: Onda hala nokuhalelela tu landuleni Omuaa moshinkoti she.

Festus Hidipo Usakos te tu pula tu diladile naua shoka tua likola muukriste uetu, Omuaa sho e tu icana.

Johannes Kandume Abenab te tu dimbuluca nkene mefimbo la huunina otamu fikama ava tava ende mokahalua komutima uavo no tava eta ondubo meongalo, ndele ne nje ovaholike, litungeni kombada jemanja leitavelo letu lijapuki meenkono dOmpepo Ijapuki.

Mateus S Tsumeb oku noshimpuju oshoka haamati ajehe taa ji kosondaha.

Andreas Namolo Tsumeb oku noshimpuju omolu omapjagano ga holoka no te tu lombuele: Tu diinine ohonde ei jOmuene ja tiluashi moluange nomoluje fie tu hupifue molu ohonde jOdjona.

David Haufiku Omaruru ota ti: Tu nokutula nokuhoola Kalunga tu kale tua koshoka meitavelo tu likelele meendjo no momadiladilo. Omulumentu na kale e hoole omukadi, nomualikadi na kale e hoole omulumentu uaje.

Malakia Shanika Omaruru ota hokolola, nkene a pjagana nokukondja nokudengacano nomukuauo na mono ondjambi juulunde, onke te tu lombuele tu dimbulukue Omuaa muudigo uetu auhe.

Shipiluleni Shihuandu Windhoek oku nekundo: Omukulili okua fia moluetu. Ila kOmukulili u hupifue.

N. A. Leo Luderits te tu dimbuluca, tu pangele elaka ljetu.

Simon Uejulu Walvisbay a mono nkene oshilumbu a ljatua kiikoto molutenda, nomuuambo a nuka mo e nomuenjo, nokua cikile po omutse. Ano eso lja fa ngomuzizimba.

Emanuel Aluveta Ontananga ota hokolola, nkene okua li ta alukua olule, nokua tameke okulesha mEtestamenti, nkene Jesus a aluda aavu manga a li kombanda jevi. Okua kuatua kondjulukue onene, nokua juulukua omimvo mbaali manga Omuaa ine mu jamukulila. Shokua aluka, oku uvite, Omuaa nani oha shiva ajihe. Ehala lje nali tje. Uunene a hala tu igandjeleni Omuaa nomuenjo a guhe.

Kongeni Natanael Orangemund te tu dimbulukifa Omuene te uja fimbo inatu mu teelela.

Andreas Moses Grootfontein okua mono omumati a si ombadilila no ta ti: Ofje tua kundukidua kefjo. Vakuetu, tu efeni ei jomounjuni, tu taleni jomeulu.

Simeon Nasipili oku nelaka: Tete lijandjeni ku Kristus, mu mone edimino koshipala shaje.

A. P. Shatona Windhoek a mona ntumbi omumati a kuatua e he na ombapila joshilongo. Omukuetu ou na tuu ombapila joshilongo shinja shipe, oje omushijakano ua Kristus, ile pamue ue u kanifa nale?

Samuel Kamati Windhoek ta kumagida aagundjuka ta ti: Tu kondjeni tu hupicue.

Timoteus Andreas Walvisbay oku nomakundo: Tu kotokeleni ecimbo; inatu puleni muujuni, oshoka tau mana po oondunge detu. Nge tatu falafalua kuuujuni, ketu na mpoka tatu dimbulula uunongo noondunge doshili.

Erastus Sikonda Abenab Mine ota hepaulula ntumbi ovamati vamue hava ongala mefikua losondaha ngenge omambo a dja mo, no tava tala Jesus natango.